


**PERUBAHAN DALAM SISTEM PEMBAHAGIAN HARTA
PUSAKA: SATU KAJIAN KES DI KALANGAN PENGANUT ADAT
PERPATIH DI SUNGAI UJONG.**

MAIZATUL AKMAM MOHD. HUSSAIN

**JABATAN PERSURATAN MELAYU
FAKULTI SAINS KEMASYARAKATAN DAN KEMANUSIAAN
UNIVERSITI KEBANGSAAN MALAYSIA
BANGI
1999**



UNIVERSITI KEBANGSAAN MALAYSIA

JABATAN PERSURATAN MELAYU

**PERUBAHAN DALAM SISTEM PEMBAHAGIAN HARTA PUSAKA: SATU
KAJIAN KES DI KALANGAN PENGANUT ADAT PERPATIH DI SUNGAI
UJONG**

Oleh

MAIZATUL AKMAM MOHD. HUSSAIN

Kertas Projek ini telah diterima oleh Jabatan Persuratan Melayu untuk memenuhi sebahagian keperluan Ijazah Sarjanamuda Sastera (dengan kepujian) pada sesi

Penyalia

Ketua
Jabatan Persuratan Melayu

8 - 3 - 99

Tarikh

10 - 3 - '99.

Tarikh

**PERUBAHAN DALAM SISTEM PEMBAHAGIAN HARTA PUSAKA: SATU
KAJIAN KES DI KALANGAN PENGANUT ADAT PERPATIH DI SUNGAI
UJONG**

MAIZATUL AKMAM MOHD. HUSSAIN

**KERTA PROJEK INI DIKEMUKAKAN UNTUK MEMENUHI SEBAHAGIAN
DARIPADA SYARAT MEMPEROLEHI IJAZAH SARJANA MUDA DENGAN
KEPUJIAN**

**JABATAN PERSURATAN MELAYU
FAKULTI SAINS KEMASYARAKATAN DAN KEMANUSIAAN
UNIVERSITI KEBANGSAAN MALAYSIA
BANGI
1999**

PENGAKUAN

Saya akui karya ini adalah hasil kerja saya sendiri kecuali nukilan dan ringkasan yang tiap-tiap satunya telah saya jelaskan sumbernya.

**28 Februari 1999
Tarikh**


**Tandatangan
Maizatul Akram Mohd. Hussain
48610**

PENGHARGAAN

Bismillahirrahmanirrahim.

Syukur alhamdulillah ke hadrat Ilahi kerana dengan taufik dan hidayah serta keizinan-Nya jua, maka penyempurnaan Kertas Projek ini dapat direalisasikan seperti yang sedia ada.

Pertama sekali, setinggi-tinggi penghargaan dan ribuan terima kasih yang tidak terhingga kepada En. Mohd. Yusof Md. Nor, selaku penyelia yang telah banyak menyumbangkan bakti dalam usaha menjalankan kajian dan menyiapkan Kertas Projek ini. Komitmen, bimbingan, nasihat serta idea yang beliau berikan begitu bermakna dan bernas sekali. Begitu juga jutaan terima kasih kepada barisan pensyarah di Jabatan Persuratan Melayu, khususnya buat Drs. Lokman Mohd. Zen yang telah banyak mencurahkan nasihat dan ilmu kepada saya sepanjang tempoh pengajian ini.

Buat ayahanda Mohd. Hussain Hj. Saharum, bonda Sapiah Abd. Rani, nenda Hj. Saharum Baharuddin dan Hjh. Fatimah Mat Ibrahim, abang serta keluarga, terima kasih segalanya. Sesungguhnya, pengorbanan, kasih sayang, keprihatinan dan iringan doa kalian selama ini telah membangkitkan semangat dan keyakinan diri ini untuk terus berusaha mencapai kecemerlangan. Buat rakan-rakan seperjuangan, terutamanya Idah, Maizura, Faiz, Syikin, Aisyah dan Ina, jasa kalian tetap dikenang.

Tidak ketinggalan, sekalung penghargaan yang tidak terhingga kepada barisan responden; Penolong Pengarah Seksyen Pembahagian Harta Pusaka Negeri Sembilan, En. Sulaiman Kadimin, Mufti Kerajaan Negeri Sembilan, Datuk Hj. Murthada Ahmad, Penolong Pengarah Unit Khidmat Nasihat (Bahagian Undang-undang Syariah, Negeri Sembilan), Hj. Murad B. Mohd. Yusof, Kaunselor Unit Khidmat Nasihat (Bahagian Undang-undang Negeri Sembilan), Pn. Asmawati Baharudin, Buapak bagi kawasan Labu, Omar B. Tasmin, Penolong Setiausaha Penerangan UMNO Negeri Sembilan, Fadhilah Fadhil B. Othman dan Yang Dipertua Persatuan Ibu Tunggal Negeri Sembilan, Pn. Che Tom Bt. Kassim.

Akhir sekali, kepada semua pihak yang turut terlibat secara langsung dan tidak langsung, terutamanya kepada semua kakitangan Pejabat Tanah dan Galian serta Pejabat Agama Islam Negeri Sembilan, terima kasih di atas kerjasama dan perhatian kalian.

Sekian, Wassalam.

Maizatul Akmam Mohd. Hussain.
Jabatan Persuratan Melayu,
Fakulti Sains Kemasyarakatan dan Kemanusiaan,
Universiti Kebangsaan Malaysia.

ABSTRAK

Kajian yang memfokuskan kepada pengamal Adat Perpatih Di Negeri Sembilan ini, bertujuan untuk menganalisis serta memastikan sejauhmana pengamalan sistem pembahagian harta pusaka secara sistem adat, dilaksanakan di Sungai Ujong pada masa kini. Seterusnya, meninjau sama ada terdapatnya perubahan dalam sistem pembahagian hartanya setelah menerima pengaruh luar seperti Inggeris dan Islam. Justeru itu, membuat pengamatan tentang perbezaan ketara antara kedua-dua ciri-ciri sistem pewarisan harta pusaka iaitu Hukum Faraidh dan sistem Adat Perpatih. Hasil daripada kajian dan pengamatan yang telah dilakukan, ternyata bahawa pembahagian harta secara Hukum Faraidh adalah adil dan sempurna berbanding sistem adat. Ini berdasarkan Hukum Faraidh adalah bersumberkan Al-Quran, manakala sistem adat adalah satu bentuk ideologi hasil ciptaan manusia yang boleh diubah sekiranya bertentangan dengan lunas-lunas Islam. Demikian juga terdapat aspek yang menimbulkan kesamaran dan kekeliruan di dalam sistem pembahagian harta Adat Perpatih iaitu tentang konsep harta pusaknya, di samping beberapa konsep harta lain seperti harta carian, dapatan dan pembawaan. Konsep harta dalam Adat Perpatih amat mengelirukan kerana ia lebih mementingkan suku. Selain itu, kesamaran lain yang timbul ialah tentang nisbah pembahagian di antara waris-waris perempuan sendiri yang menerima harta pusaka itu tidak jelas. Cuma dinyatakan, pada kebiasaannya anak perempuan yang bongsu akan menerima harta pusaka yang terdiri daripada tapak rumah, rumah pusaka dan sebagainya. Ekoran itu, ini telah menjadi kontroversi di kalangan masyarakat adat dan masyarakat luar daripada lingkungan adat. Rata-rata masyarakat memperdebatkan dan mempertikaikan sistem pembahagian harta pusaka adat secara kolektif iaitu mengikut jurai keturunan wanita (*matrilineal*). Sistem ini dikatakan bertentangan dengan lunas-lunas Islam dan berat sebelah iaitu seolah-olah menganaktirikan kaum lelaki. Di samping itu juga, kini wujudnya ketidakselarasan pembahagian harta di kalangan masyarakat adat di Sungai Ujong. Terdapat di kalangan masyarakat adat yang mengamalkan pembahagian harta menurut Hukum Faraidh, sistem adat dan terdapat majoriti masyarakatnya mengambil jalan tengah dengan membahagikan harta secara permuafakatan. Dengan itu, didapati perlaksanaan pembahagian harta pusaka di Sungai Ujong telah mengalami perubahan akibat daripada faktor sejarah, pengaruh luar, pengaruh ulama' dan peredaran masa. Demikian juga didapati bahawa pengamalan sistem adat di Sungai Ujong, khususnya di Labu/Nilai, Rasah dan Rantau adalah tidak menyeluruh dan mengalami perubahan dari semasa ke semasa.

KANDUNGAN

	Halaman
PENGAKUAN	ii
PENGHARGAAN	iii
ABSTRAK	iv
KANDUNGAN	v

BAB PERTAMA : PROPOSAL

1.1. Pengenalan	1
1.2. Justifikasi Kajian	
1.2.1. Latar Belakang Kajian dan Permasalahan	7
1.2.2. Skop Kajian	8
1.3. Gelintiran Kesusasteraan	10
1.4. Tujuan Kajian	12
1.5. Kerangka Teori/konsepsual	
1.5.1 Harta Pusaka	13
1.5.2 Sistem Pewarisan Harta Pusaka	14
1.6. Metodologi	16
1.7. Hipotesis	19

BAB KEDUA : PEWARISAN HARTA PUSAKA MENURUT ADAT PERPATIH DAN HUKUM FARAI DH

2.1 Konsep Harta Menurut Adat Perpatih	20
2.1.1 Pusaka Benar	21
2.1.2 Pusaka Sendiri	23
 2.2 Harta Perkahwinan	 24
2.2.1 Harta Carian	25
2.2.2 Harta Dapatan	25
2.2.3 Harta Pembawaan	26
2.2.4 Carian Bujang	26
2.2.5 Carian Laki Bini	27
 2.3 Konsep Harta Pusaka Menurut Perspektif Islam	 28
2.3.1 Definisi Faraidh	28
2.3.2 Rukun Pepusakaan	29
2.3.3 Sebab-Sebab Pepusakaan	29
2.3.4 Syarat-Syarat Menerima Pusaka	30
2.3.5 Sistem Pembahagian Harta Menurut Syarak	31
2.3.6 Waris Yang Menerima Pusaka	32

BAB KEDUA : PEWARISAN HARTA PUSAKA MENURUT ADAT PERPATIH DAN HUKUM FARAI DH

2.1 Konsep Harta Menurut Adat Perpatih	20
2.1.1 Pusaka Benar	21
2.1.2 Pusaka Sendiri	23
 2.2 Harta Perkahwinan	 24
2.2.1 Harta Carian	25
2.2.2 Harta Dapatan	25
2.2.3 Harta Pembawaan	26
2.2.4 Carian Bujang	26
2.2.5 Carian Laki Bini	27
 2.3 Konsep Harta Pusaka Menurut Perspektif Islam	
2.3.1 Definisi Faraidh	28
2.3.2 Rukun Pepusakaan	29
2.3.3 Sebab-Sebab Pepusakaan	29
2.3.4 Syarat-Syarat Menerima Pusaka	30
2.3.5 Sistem Pembahagian Harta Menurut Syarak	31
2.3.6 Waris Yang Menerima Pusaka	32

BAB KETIGA : HASIL KAJIAN DAN PERBINCANGAN	33
BAB EMPAT : KESIMPULAN	42
4.1 Rumusan	42
BIBLIOGRAFI	49
LAMPIRAN	

BAB EMPAT

KESIMPULAN

4.1 Rumusan

Begitulah pendedahan terperinci tentang perjalanan dan pelaksanaan sistem Adat Perpatih di Sungai Ujong, khususnya penumpuan terhadap pembahagian harta pusaka bagi kawasan Labu/Nilai, Rasah dan Rantau. Dalam meniti arus waktu serta pembangunan, adat yang berlandaskan sistem nasab ibu ini masih mampu bertahan dan memperlihatkan kelangsungan tradisi apabila kesinambungan sistem pewarisan harta pusaka menurut hukum Adat Minangkabau seperti yang tertera di dalam Enakmen Pemegang adat Bab 215.

Namun begitu, jelas bahawa pelaksanaan sistem *matrilineal* ini turut mengalami perubahan dan tidak dilaksanakan secara total di seluruh Negeri Sembilan, terutamanya di Sungai Ujong. Sebaliknya, di Sungai Ujong rata-rata masyarakatnya mengamalkan pentadbiran pewarisan harta pusaka menurut hukum syara' dan permuafakatan.

Adat yang telah diperturunkan dari satu generasi ke satu generasi secara lisan dan *informal* itu, hakikatnya merupakan suatu sistem sosial yang kompleks dan mempunyai konsep serta ideologi berlandaskan sistem penjuraian keturunan melalui nasab ibu (*matrilineal*). Sistem inilah yang membezakan masyarakat Melayu Negeri Sembilan dengan masyarakat Melayu di negeri-negeri lain yang menyalurkan jurai keturunan berasaskan *bilateral*.

Bermula dari kedatangan pengaruh-pengaruh luar seperti Inggeris, berlakunya perubahan dalam sistem pembahagian harta pusaka. Setelah kedatangan Islam pula, masyarakat Adat Perpatih diperkenalkan dengan sistem Faraidh yang amat bertentangan dengan prinsip asas pembahagian harta secara sistem adat. Walau bagaimanapun, di dalam perpatah pertitih ada menyatakan;

Adat bersendikan hukum,

Hukum bersandarkan syarak,

Adat mengata,

Hukum memakai.

Perpatah petitih tersebut menjelaskan seolah-olah Adat Perpatih itu menerima cara Islam dan cuba menyesuaikan dengan sistem adat. Atau lebih tepat lagi, ia menjelaskan bahawa sistem adat itu adalah fleksibel dan tidak menolak hukum Islam. Namun, penyerapan nilai Islam di kalangan masyarakat adat menjadikan berlakunya ketidakselarasan dalam sistem pembahagian harta pusakanya. Misalnya, wujud beberapa

kelompok di kalangan masyarakat adat yang mengamalkan sistem pembahagian harta pusaka yang berlainan.

Walaupun sekali imbas sistem adat itu fleksibel dan amat berkompromi dengan sistem Islam, namun realitinya, prinsip asas pembahagian hartanya adalah berbeza sama sekali. Ini jelas kerana sistem pembahagian harta secara sistem adat merupakan hasil ciptaan manusia semata-mata. Sebaliknya, sistem pola pewarisan Islam pula adalah berlandaskan kitab suci Al-Quran.

Justeru itu, terdapat sebilangan individu di kalangan masyarakat terutamanya generasi muda yang menimbulkan rasa tidak puas hati dengan perlaksanaan sistem tersebut. Isu ini hangat diperkatakan dan diperdebatkan tentang kewujudan percanggahan antara aturan pewarisan harta pusaka dengan hukum ketentuan Allah iaitu hukum Faraidh. Pertikaian yang sememangnya telah wujud sejak dahulu lagi di Alam Minangkabau dan seterusnya berkembang di Negeri Sembilan masih berterusan sehingga kini. Sistem ini sering dipertikaikan oleh para pengkritik adat, tokoh agama dan anggota masyarakat, terutamanya pemerhati-pemerhati di luar lingkungan adat.

Di Sungai Ujong terdapat beberapa golongan yang mempunyai berlainan pendapat mengenai pembahagian harta pusaka. Terdapat golongan masyarakat Adat Perpatih yang berpendidikan sekular dan menyokong penuh pembahagian harta secara “muafakat”. Bagi golongan ini, sistem pembahagian sebegini merupakan jalan tengah untuk menyelesaikan masalah pembahagian harta pusaka dan dianggap paling adil.

Sistem ini memberikan hak yang sama antara lelaki dan wanita ke atas harta pusaka. Ini bermakna, harta pusaka tersebut akan dibahagikan sama rata dan mengikut budi bicara ahli-ahli waris yang terlibat untuk dibahagi-bahagikan.

Sistem pembahagian harta secara permuafakatan juga dianggap dapat menyelesaikan beberapa kes tanah terbiar di Negeri Sembilan. Ini kerana, ia dapat mengurangkan penama dalam sesebuah geran tanah. Sebagai contoh, apabila A meninggal dunia dan ia mempunyai lima orang anak lelaki dan empat orang anak perempuan, maka hartanya yang berbentuk beberapa bidang tanah akan dibahagikan secara sama rata.

Dengan cara perbincangan dan tolak ansur iaitu berdasarkan sistem pembahagian harta secara permuafakatan, anak-anaknya yang tinggal jauh serta bermastautin luar dari Negeri Sembilan seperti Kuala Lumpur dan Perak akan meminta supaya tanah tersebut dinilai untuk mendapatkan bahagian masing-masing. Setelah itu, ahli waris tersebut akan mengambil bahagian-bahagian dalam bentuk wang dan tanah akan menjadi hak milik ahli waris yang sanggup membayar nilai tanah tersebut. Pada kebiasaannya, bagi kes-kes sebegini, tanah tersebut sering diberikan atau dibeli oleh waris yang tinggal di Negeri Sembilan supaya tanah tersebut dapat diusahakan dan tidak terbiar.

Kadang kala, terdapat juga keputusan di kalangan ahli waris yang memutuskan supaya tanah pusaka itu diserahkan kepada ahli waris yang masih tidak mempunyai

tanah. Walau bagaimanapun, tanah serta rumah pusaka sering diserahkan kepada anak sulung ataupun anak bongsu.

Justeru itu, mereka yang terdiri daripada golongan yang mempunyai latar pendidikan agama yang kukuh pula, menyokong penuh pembahagian harta secara Hukum Syarak. Bagi golongan ini, hanya hukum Allah yang adil dan saksama. Dalam hukum Syarak, lelaki akan menerima hak $\frac{2}{3}$ dan perempuan sebanyak $\frac{1}{3}$ daripada jumlah harta.

Namun begitu, terdapat segelintir masyarakat yang tidak menyetujui kedua-dua sistem pembahagian harta tersebut. Mereka ini adalah ahli masyarakat yang terdiri daripada golongan tua dan bersetuju serta mengesyorkan agar sistem Adat Perpatih ini dipertahankan. Golongan ini berpendapat sistem ini perlu dilaksanakan secara total di Sungai Ujong, khususnya di Labu/Nilai, Rasah dan Rantau. Golongan ini berpendapat, sekiranya tiada pihak yang mempedulikan agar sistem pembahagian harta ini diteruskan, berkemungkinan besar ia akan lupus sama sekali.

Bagi golongan ini, pembahagian harta secara sistem Adat Perpatih ini dapat melindungi dan mempertahankan hak kaum wanita. Ini berasaskan pembahagiannya yang mengikut jurai keturunan wanita.

Dalam pada itu, amat menyedihkan apabila generasi muda dewasa kini terbawa-bawa membuat tafsiran bahawa Adat Perpatih ini sudah ketinggalan zaman, usang dan

lapuk. Anggapan ini sekiranya dipandang daripada satu sudut memang ada kebenarannya. Oleh yang demikian, golongan ini tidak boleh dipersalahkan seratus peratus kerana mereka sebenarnya tidak mengetahui dan memahami erti Adat Perpatih itu sendiri.

Ekoran itulah juga, dalam pepatah petiti Melayu ada menyatakan bahawa “tak kenal maka tak cinta”. Demikianlah yang berlaku terhadap generasi kini. Disebabkan tidak kenal dan tidak memahami akan Adat Perpatih itu sendiri, maka mereka tidak menyintainya dan seterusnya melemparkan pelbagai anggapan negatif.

Dengan itu, jelaslah bahawa keunggulan Adat Perpatih di zaman silam telah melalui proses kesinambungan yang telah dimodifikasi dengan penyerapan unsur-unsur luar, Islam dan perubahan semasa. Namun begitu, perubahan yang dilalui tidaklah melenyapkan intisari hukum Adat Perpatih sama sekali. Tetapi terdapat perubahan dan asimilasi yang berlaku ke atas sistem pembahagian harta pusaka. Perbilangan adat itu sendiri ada menyatakan bahawa;

Yang buruk dibaharui,

Yang usang diganti,

Ibu adat muafakat.

Oleh yang demikian, di sini tidak timbul anggapan adat itu dibuang atau dicampakkan ke tepi, sebaliknya dinilai semula supaya yang baik dipercepatkan biar bertambah baik dan yang buruk dilambatkan biar dapat baiknya semula.

Dalam kehidupan serba moden ini juga, undang-undang dan peraturan yang dibuat adalah sentiasa dipinda dan diperbaharui, malah ada yang dibuang langsung kerana semuanya ciptaan manusia. Hanya peraturan dan ketetapan tuhan sahaja yang tidak boleh digugat dan diubahsuai. Oleh itulah, adat perlu disesuaikan dengan peredaran zaman yang serba maju ini.

Walau bagaimanapun, setiap amalan, peraturan, undang-undang dan sebagainya haruslah tidak menyalahi dan bertentangan dengan lunas-lunas Islam. Sesungguhnya, ajaran Islam adalah sempurna dan sekiranya diamalkan serta diikuti serta menjauhi segala larangannya, pasti kesejahteraan hidup terjamin.

BIBLIOGRAFI.

- A.Samad Idris dan Norhalim Hj. Ibrahim. 1994. Negeri Sembilan: Gemuk Di Pupuk, Segar Bersiram; *Adat Merentas Zaman*: Negeri Sembilan. Jawatankuasa Penyelidikan Budaya Negeri Sembilan dengan Kerjasama Kerajaan Negeri Sembilan.
- Abdul Ghani Shaharuddin. 1983. Adat Perpatih Negeri Sembilan Patutlah Dikaji Dengan Teliti. *Dewan Masyarakat*, Januari: 22-24.
- _____. 1983. Sekali Air Bah Sekali Tanjung Berubah. *Dewan Masyarakat*, Februari :42-44.
- Abdul Halim Zulkifli. 1989. Pembahagian Pusaka Di Kalangan Masyarakat Adat Perpatih Di Negeri Sembilan: Satu Kajian Kes Pesaka Menurut adat dan Faraidh. *Latihan Ilmiah*. Universiti Kebangsaan Malaysia, Bangi.
- Abdul Rahman Hj. Mohammad. 1964. *Dasar-dasar Adat Perpatih*. Kuala Lumpur. Dewan Bahasa dan Pustaka.
- Abdullah Siddik. 1975. *Pengantar Undang-Undang Adat Di Malaysia*. Kuala Lumpur. Universiti Malaya.
- Abu Hassan Sham dan Marriyam Salim. 1995. *Sastera Undang-undang*. Kuala Lumpur. Dewan Bahasa dan Pustaka.
- Ahmad Damiri B. Yahya. 1998. *Pembahagian Harta Secara Islam*, Seremban, Negeri Sembilan. Temubual, 26 Ogos.
- Ahmad Ibrahim. 1965/66. *Islam Customary Law/Malaysia*. Intisari Vol. 11, No.2.
- Asmawati Baharuddin. 1998. *Permasalahan Tanah Terbiar*, Seremban, Negeri Sembilan. Temubual, 26 Ogos.
- Che Tom Kassim. 1999. *Sistem Adat Melindungi Hak Kaum Wanita*, Labu, Negeri Sembilan. Temubual, 10 Januari.
- Dharmawijaya. 1969. *Pesaka Terserah Ke Anak Perempuan*. *Dewan Masyarakat*, November: 38-40.
- Dt. B. Nordin Yakub. 1995. *Hukum Kekerabatan Minangkabau (Jilid I & II)*. Jakarta. CV. Pustaka Indonesia.

- Enawaty Anuwar. 1998. Sistem Pewarisan Harta Pusaka Di Kalangan Masyarakat Adat Perpatih Di Negeri Sembilan: Satu Perspektif Menurut Hukum Faraidh. *Latihan Ilmiah*. Jabatan Persuratan Melayu. Universiti Kebangsaan Malaysia, Bangi.
- Fadhilah Fadhil B. Othman Safar. 1999. *Pembahagian Harta Secara Sistem Adat, Faraidh Dan Permuafakatan*, Rasah, Negeri Sembilan, Temubual. 10 Januari.
- Faraded Md. Dom. 1979. Persoalan Pembahagian Harta dalam Adat Perpatih. *Latihan Ilmiah*. Jabatan Persuratan Melayu, Universiti Kebangsaan Malaysia, Bangi.
- Hooker M.B. 1976. *Adat Laws in Modern Malaya; Land Tenure, Traditional Government And Religion*. Kuala Lumpur. Oxford University Press.
- Ibrahim bin Atin. 1956. *Perbilangan Adat. Pulau Pinang*. Sinaran Bros.
- Ismail B. Abdul Hadi. 1998. *Adat Perpatih*, Seremban, Negeri Sembilan. Temubual, 16 Jun.
- Mochtar Naim. ed. 1968. *Menggali Hukum Tanah dan Hukum Waris Minangkabau*. Padang. Center For Minangkabau Studies Press.
- Mohd. Murad B. Mohd. Yusof. 1998. *Pewarisan Harta Berdasarkan Konsep Hukum Faraidh*, Seremban, Negeri Sembilan. Temubual, 26 Ogos.
- Mohd. Saleh Abas. 1965. *Mengenal Undang-undang*. Kuala Lumpur. Dewan Bahasa dan Pustaka.
- Mohd. Shah B. Mohd. Said al-Haj. 1996. *Tambo Alam Naning*. Kuala Lumpur. Dewan Bahasa dan Pustaka.
- Newbold, T.J. 1971. *Political and Statistical Account of the British Settlements in the Straits of Malacca*. John Murry. 1983. cetak semula. Kuala Lumpur. Oxford University Press.
- Norazit Selat. 1996. "Pembahagian Harta Pusaka Dalam Adat Perpatih". *Kertas Seminar Adat Perpatih*. Allson Klana Resort, Negeri Sembilan, 24 Julai.
- Nordin Selat. 1976. *Sistem Sosial Adat Perpatih*. Kuala Lumpur. Jabatan Penerbitan Utusan Melayu.
- _____. 1982. *Sistem Sosial Adat Perpatih*. Kuala Lumpur. Utusan Publications & Distributors.
- Norhalim Hj. Ibrahim. 1993. *Adat Perpatih: Perbezaan dan Persamaan dengan Adat Temenggung*. Kuala Lumpur. Dewan Bahasa dan Pustaka.

- _____. 1997. "Peranan Institusi Adat Di Dalam Pembangunan dan Pentadbiran Tanah". *Kertas Kerja Seminar* Tertutup Pemantapan Nilai Islam Dalam Sistem Adat Perpatih. Jabatan Mufti Kerajaan dan Majlis Agama Islam, Negeri Sembilan, 24-25 November.
- Noridah Sulaiman. 1994. Pembahagian Terperinci Dalam Al-Quran. *Al-Islam*. Julai:16.
- Nurdin Yakub. 1995. *Hukum Kekerabatan Minangkabau*. Jilid I & II. Bukit Tinggi. Pustaka Indonesia.
- Omar B. Tasmin. 1999. *Pembahagian Harta Pusaka Di Labu, Labu, Negeri Sembilan*, Temubual, 10 Januari.
- Othman Ishak. 1979. *Hubungan antara Undang-Undang Islam dengan Undang-Undang Adat*. Kuala Lumpur. Dewan Bahasa dan Pustaka.
- Rossilah Bakar. 1994. Perbilangan Adat: Satu Kajian Dari Aspek Hukum Adat. *Latihan Ilmiah*. Jabatan Persuratan Melayu, Universiti Kebangsaan Malaysia, Bangi.
- Saiful Asmanizan Husin. 1997. Sistem Pembahagian Harta Pusaka Di Dalam Adat Perpatih: Satu Perbandingan Dengan Sistem Faraidh. *Latihan Ilmiah*. Jabatan Persuratan Melayu, Universiti Kebangsaan Malaysia, Bangi
- Sulaiman Kadimin. 1997. "Tanah Adat Negeri Sembilan, Permasalahan dan Cabaran. *Kertas Kerja Seminar* Tertutup Pemantapan Nilai Islam Dalam Sistem Adat Perpatih. Jabatan Mufti Kerajaan dan Majlis Agama Islam, Negeri Sembilan, 24-25 November.
- _____. 1998. *Harta Pusaka Dan Tanah Adat, Seremban*, Negeri Sembilan, Temubual, 15 Disember.
- Taylor, E.N. 1929. *The Customary Law of Rembau*, JMBRAS, Vol. VII, pt.1.
- Thomas Lynn & Benda Beckmann Franz Van. 1985. *Change and Continuity in Minangkabau*. Athens, Ohio. Ohio University Center for International Studies, Center for Southeast Asian Studies.
- Zainal Kling. 1969. Sistem Kekeluargaan di Melaka. *Tesis Sarjana Muda*. Universiti Malaya. Kuala Lumpur.

LAMPIRAN**SOALAN KAJIAN SOAL SELIDIK****BAHAGIAN A (IDENTIFIKASI RESPONDEN)****(TANDAKAN / DI RUANG BERKAITAN)**

1) Umur

25-34 tahun	
35-44 tahun	
45-49 tahun	
50-59 tahun	
60 tahun ke atas	

2) Jantina

L			P
---	--	--	---

3) Status

Bujang	
Berkahwin	
Janda	
Duda	

4) Suku

Biduanda	
Batu Hampar	
Tanah Datar	
Seri Lemak	
Lain-lain. Sila nyatakan	

5) Taraf
Pendidikan

Tidak bersekolah	
Sek. Rendah	
Sek. Menengah	
Kolej/Universiti	

6) Pekerjaan

Kerajaan	Swasta	Bekerja sendiri	Pelajar	Suri Rumah	Lain-lain Nyatakan

7) Pendapatan

Kurang drp. 500	
500-800	
900-1000	
1000 ke atas	

8) Tempat tinggal

Labu/ Nilai	
Rasah	
Rantau	
Lain-lain. Sila nyatakan	

9) Tempoh masa
menetap di tempat
sekarang

Kurang daripada 5 tahun	
6-8 tahun	
8-10 tahun	
Lebih daripada 10 tahun	

BAHAGIAN B: PANDANGAN TERHADAP PEMBAHAGIAN HARTA SECARA SISTEM ADAT DAN HUKUM FARAIDH

1) Adakah saudara faham tentang pembahagian harta secara sistem Adat Perpatih?

amat faham	faham	sederhana faham	amat tidak faham

2) Wajarkah ia dipertahankan? Nyatakan alasan saudara.

amat wajar	wajar	sederhana wajar	amat tidak wajar

3) Bagaimanakah cara pembahagian harta di kalangan suku saudara?
Adakah mengikut adat, faraidh atau lain-lain (sama-rata).
Nyatakan.

4) Adakah keluarga saudara masih mengamalkan pembahagian harta secara sistem adat?

ya	tidak

5) Adakah harta yang anda miliki sekarang bersumberkan harta pusaka?
Beri penjelasan anda.

ya	tidak

6) Adakah anda faham tentang pembahagian harta mengikut hukum Faraidh?

amat faham	faham	sederhana faham	tidak faham

7) Adakah terdapat usaha-usaha untuk mengamalkan sistem pembahagian harta secara hukum Faraidh di kalangan ahli keluarga saudara?

ya	tidak

8) Terdapatkah sebarang permasalahan/bantahan daripada ahli keluarga saudara sekiranya pembahagian harta secara hukum Faraidh dilaksanakan?

ya	tidak

9) Adakah terdapat sebarang usaha untuk mengekalkan sistem adat ini di kalangan ahli keluarga saudara?

ya	tidak

10) Bagaimanakah tanggapan di kalangan pengamal adat, sekiranya seseorang itu tidak mengamalkan pembahagian harta secara sistem adat?

11) Adakah saudara merasakan pembahagian harta secara Islam amat adil?

ya	tidak